

**■ GLOSSA**

# Pendai els aut! Pli aut!

DA SILVIO CAMENISCH

**P**endai els aut! Pli aut! Pendai els il pli aut pussaivel! Egal vi da tge planta. Mintga planta è buna avunda per nossa dretgira nauscha. Pauc emporta ch'ella sa chattia sin territori catolic u reformà da la Rumantschia linguistica era folcloristica. La planta e ses rom gross aposta per la giustia da lintschadi sto mo tegnair, cur ch'ins tira sutor il chavagl, en sellas in Wieland und Waldvogel. I dastga esser quella giada in pign dal gaud da Bonaduz, ch'i dastga esser ina proxima giada in laresch dal gaud sontg da Tamangur. Hundert pro datti prest puspè en auter lieu cun auters acturs ina giustia da Lynch u l'otra, sco nov event turistic. U, na, tuttina cun ils precis-medems.

**A**vant gnanc uschè ditg han ins gù da lintschar sco en in vegl western da spaghetti in schurnalist da la Weltwoche: pervi da nun-respect envers la pitschna etnia linguistica aber oho!, cur ch'ella vegn ord la reserva. Rumantschuns, sprich Berufsrätromanen, tants sco insatgi vul, ins als sto mo vesair. Ins vesa els dapertut en salas da cultura ed ach! litteratura. Quels èn là da chasa. Do bin i dahai! Quels na dovran betg sa zuppar davos la staziun, Hinter dem Bahnhof, cun lur tudestg uschè original ch'ins discurra tranter experts e na-experts schon da Klangwelten.



**N**us savain schizunt meglier tudestg che rumantsch, i stat placativ sin locomotivas da nossa Co-tschna (er vegnida pli giaglia e trendy) la retica congnoschenta enturn il mund. Tgi che sa rumantsch, sa dapli! Quai è dapli che mo Lippenbekenntnis, din ins decleraziun vida u vana – grazia fitg dunna filologa! – n'avess jau mai savì co ch'ins di sin bun rumantsch. Envid subit ella a tschaina en il Va Bene. Tgi ch'è «bi» en linguas, din noss dus didactichers-missunaris da professiun e persvasiun, haja cum-petenzas comunicativas infinitamain pli autas ch'il rest.

**S**tain mal, quels resultats, Srimnads en nossas scolas popularas n'èn betg adattads per la publicitad. Quant svelts savessan tals vegnir manipulads, currigids enturn, e sut il stritg sa drizzar cunter nossas intenziuns! Gist avain nus communitgà che las cum-petenzas comunicativas sajan, tge vul dir sajan, èn blier pli autas che tar il rest. Pudess ins far cler quai a quels, jau di sco jau partratg, lufs stgarpaRumantschs. Romanenreisswölfe. La chatscha sin lufs

duai puspè daventar pussaivla. Signur Hassler ha gia inoltrà duas moziuns u trais en chaussa, il rest è lura chaussa da sajettar ed er tutgar.

**F**inì cun quella faussa romantica d'animals u mammals, tge che vegn cunter agressiv. Il luf da Rumantschs quella giada instagl da nursas na fetschia betg chatscha per dustar la fom, mabain per mazzar. Ergo, mazzain nus avant! Er la simpla sa cumprovada giustia da lintschida da temp istoric (passato remoto), duai puspè daventar pussaivla, fiss quai puspè pussaivel, vos cuss. naziunals e dals chantuns e Vos dreschader pensiunà activ? Super. Èn ins subit puspè pli optimistic ch'er schon.

**Q**uants Rumantschuns ch'èn vegnids si da chau be grazia al rumantsch! Grazia fitgun rumantsch. Il statisticher ed analiticher francofon dotà vegn a preschentar, er analizar, ils resultats actuals, proximamain en Vossa gasetta rumantscha dal di. Mo anc durmir ina notg, arrivian noss resultats da record. Tgi che n'ha betg uss ina gasetta rumantscha dal di, n'ha nagina pli, curra inquiet tras las aleas, cur che la feglia sa mova. Vulais quai? Strusch. Tut lasuenter savessas fruntar cunter il pendì, laschè pendì da gugent gugent in'emna sco smanatscha, memorial! Sagt man nicht Mahnmahl, Herr Wieland und Herr Waldvogel?